

# Deporte Local

## Aruba Basketball Bond a trece coach Italiano Antonio D'albero pa yuda nos muchanan den basketball



ORANJESTAD (AAN): Mayoria federacion deportivo ta traha cu un vision cu e unico meta pa hiba nan deporte na un otro nivel. Pa haci esaki mester traha riba un bon base y percura pa e desaroyo sigui den e forma mas positivo unda lo amplia e conocimiento den e deporte. Un di e federacion nan cu ta trahando duro na bienestar di nan atletanan ta Aruba Basketball Bond kende recientemente a contrata un coach profesional procedente di Italia, coach Antonio D'albero.

Coach D'albero lo permanece na Aruba for di 15 November te cu 16 December. Coach Antonio D'albero no ta

desconoci na Italia y a traha cu ekipo nan profesional di basketball di hende muhe y hende homber. Na banda di esaki e la coach ekipo nan na Italia mes como tambe na Dinamarca, Merca y Luxemburg. Tambe coach D'albero a traha cu e seleccion nacional di Macedonia U-20, Jamaica.

Un di e tareanan principal di Coach D'albero ta pa analisa nos hungadoman di basketball, tambe e lo prepara y entrena e seleccion nacional U-16 cu den 2016 tin un compromiso den e Caribbean Basketball Confederation U-16 Competition. Por ultimo e lo yuda nos coachnan den nan trabou cu nan hungadoman

como tambe intercambia ideanan pa e mehoracion di basketball na Aruba.

Un danki sigur na Lotto, e Loteria di Aruba pa medio di Comision di Subsidio cu a subsidia e federacion di basketball pa asina por a adkiri un coach profesional di Italia pa yuda engrandecede e deporte di basketball na Aruba.

Cumprando weganan di Lotto, e Loteria di Aruba Bo ta contribui na deporte riba nos isla. Meta di e fundacion ta pa organiza loteria, cambia bida di su hungadoman y na mes momento inverti den deporte local pa medio di donacionnan na e comision di subsidio.



## Caminata di J.N. Andrews Kleuterschool

Tene mi Man y cana cu mi

ORANJESTAD (AAN): J.N Andrews Kleuterschool kier a invita pueblo di Aruba en general cu atencion special riba Sannicolos y vecindario pa participa na un caminata diadomingo 6 di December cuminsando 8:30 di mainta. Salida ta lo siguiente: YMCA Sannicolos – Caya Dick Cooper – Bernhardstraat – Verlende Lagoweg – Pastoor

Hendrickstraat y ta termina na YMCA. Animacion lo ta den man di e hobennan di e drumband di St. Paulus Michael Groep. Bo apoyo lo t pa yuda nos logra nos meta. Pa mas informacion por tuma contacto cu Juffrouw Glenys cabesante di school na: 29705920579 of Jacky miembro di directive di school na cell 297-7422535

## SPECIAL PRICING PACKAGE | 6pc or 8pc SET



AFL **179**  
/per month

OR



AFL **269**  
/per month

Includes sofa, tables, lamps and rug.

Includes sofa, loveseat, tables, lamps and rug.

**NO CREDIT CHECKS**

Cumana 74 | 582-7368  
www.shopdialrto.com

**DIAL** Rent-to-Own